



悼念愷悌慈祥虛懷若谷之慈老

慈老法師於民國四十四年五月六日，即夏曆四月初四日，示寂臺北汐止彌勒內院法華關內。噩耗傳來，泣然流涕！蓋老人精研明唯識之學，具講辯無礙之才；弘法利生，無厭無倦；卓錫海內外，啓導彌衆。而其愷悌慈祥虛懷若谷之人格，尤爲人所崇敬，感不能忘也！不佞在臺中，三度聆聽講演，慷慨陳詞，透澈說理，歎爲希有。四十二年春，函老人借閱其在星島嶼所出版之唯識頌講話，唯識三字經講話，及菩提心影等三書，提要鉤玄，深入顯出，益切欽運之感。四月七日，閱畢郵還。承老人覆簡，不以不佞無似，屬爲三書再版作序。簡云：

邦道居士：拙著三冊收到免念。去年隨甘珠佛到臺中，在慎齋堂，承居士自我介紹。一係名詞，一係有老徒弟名路邦道。後在佛敎雜誌上，常見大作，又讀默如法師；規矩頌筆說序，知居士乃法門之龍象也。拙作三本擬再版，居士可否冠一序以爲引？祝安。慈氏四月十日

緊何人斯？展讀惶悚！乃向老人請示內容，老人覆簡，謂南洋出版三書，計因明唯識講話十種，另加佛敎聖經一種，總名菩提心影，各篇已有別序，希作一總序弁其首。七月間，入東勢山中之農學院林場之道署，謬爲屬稿。稿中於佛敎聖經之與法相講話並列，及佛敎聖經內容之僅爲佛學常識，而未選纂佛說經典，略附微末之意，請參酌南亭法師對於佛敎聖經之主張。老人閱後，欣然採納，謙虛之德，當世罕觀。來簡如次：周大居士：熱心佛敎，誠爲可嘉！暑氣逼人，且養病中，麻煩再二，甚爲不忍！序中一切甚善，而過譽處恐不敢當！近擬「十講」和「聖經」分爲兩冊，故序亦應分二篇。「聖經」前

編佛敎三經：1. 遺教經，2. 八大人覺經，3. 四十二章經，合稱爲「佛敎聖經」。不慧所編者，附爲「佛學常識」。如有工夫，想將釋迦示迹揮於前。

菩提心影是總名，相宗十講、佛敎聖經是別名其他一切講錄，均名菩提心影，如印光文鈔、太虛全書……

老人另贈以所撰佛歌「覺音」，所編「怎樣知道有觀世音菩薩」，「法會念誦」，及印光大師重訂「釋敎三字經」，王恩洋居士「心經通釋」等書刊；慈祥愷悌，亦可見其一斑。不佞當時未甚明了其主旨，於是率將原稿重行組織，分爲二序，郵呈老人。因其中有經老人改正增益處，有老人因是而復有更主主張處，且將來爲老人編纂全書時，或亦有可資參閱稽考之處；爰不揣樸昧，謹錄附焉。

菩提心影序稿

慈航法師籍閩北建甯，幼披髮邑之峨峰，後求戒參學諸方，並親近太虛大師於閩南佛學院。場來閩粵京滬南洋群島等處，弘法利生。以民國三十八年秋來臺，卓錫汐止，建彌勒內院。嘗赴臺中，屏東、臺東、花蓮一帶庵寺講演。以通俗之辭，淺顯之喻，闡發高深玄奧之佛理；燦爛長舌，辯才無礙，臺臺聽者爲之動容。而於佛法與三民主義之訴合處，相應處，及其與世界長治久安之道，明體達用，治理契機；益令人傾耳，頌樂欲聞。聞讀其人生、覺生、菩提樹諸佛敎雜誌所著大文，其器識之雄邁，詞鋒之銳利，審辨之精深，解說之透關，則視其數座而坐時之作師子吼，殆又更勝焉；是洵克荷佛門之大責重任者已！

法師博究內典，於因明唯識，尤極深研幾。曩在仰光、檳嶼、星洲等地，宣講法華、楞嚴、圓覺、維摩、起信、三論諸經論外，兼授因明唯識之學，如：唯識三字經、唯識三十頌；

周邦道

唯識二十頌、八識規矩頌、觀所緣緣論、六離合釋、百法論、因明入門、因明入正理論、真唯識量等，各編講義，名爲「講話」，合稱曰「相宗十講」。而總稱其著述，則曰「菩提心影」。「菩提」義爲覺爲道，乃法師別號；因檳星兩處學院，曾冠其名，故人多以菩提大師相稱。而法師以「三界唯心，萬法唯識」，亦遂錫其集以嘉名，曰「菩提心影」。此與梁新會「歐遊心影錄」，審同一取義，而復語妙雙關者也！

民國四十二年春，不佞向法師借讀檳星殺青之唯識三頌及菩提心影，深感因明唯識義蘊，提要鉤玄，深入顯出；示人途徑，引人入勝。於初機學人，定可啓發其能辨能憤之心情，激動其盎然勃然之興趣。講學方法之善巧美妙，歎爲遇未曾有。儻振鐸揮塵者，皆作如是觀，則承學受業之士，不論內學外學，其所獲益處，或相倍蓰，或相什伯，當可斷言耳！於是貽緘法師，略示欽慕嚮往之意。法師覆簡謂：書係先後出版，故名稱不一，準擬重印，都十講爲一冊，以「菩提心影」名之。而不以不佞無似，遂預責以弁言之任。適嬰小極，又爲課務牽絆，迄未報命。茲者，道暑東勢山中，大安溪畔；重展讀來簡，暨鈔示各講自序，與編後記，輒覺全書內容，復憶懷腦海。憶去歲林希岳居士哀輯法師在臺講演著述，亦名「菩提心影」，計分六編，分別付鈔；則此書殆可視爲菩提心影之初集歟？因喜此書問世，研究因明唯識者，可得共同欣賞省覽之機會。循是方便之門，以探無盡之藏，如獲南鍼，亦豈秘鑰。將來歡喜讚歎者，庸詎僅不佞一人而已耶？書此歸之，聊當介引云爾！

佛敎聖經序稿

宇內宗敎，各具經典；如耶之新約，回之可蘭。凡其信徒，人手一編，駭簡統整，習以爲



慈公精神不滅

王少鵬敬繪

便。惟佛經繁瑣，三藏十二部，真可汗棟充牛。而性相空有，禪淨律密，宗派攸殊，重輕取捨，又復各異。故學佛者，往往有煙波浩渺，望洋興歎之感；與夫宮情萬仞，不得其門而入之苦。此其所以不約而同，咸希望當代大德尊耆，編一佛教聖經，以資受持，而便誦讀也！

最近南亭法師彙列多人關於此項意見，發為文章，並主張以八大人覺經、四十二章經為在家業與出家業必讀之佛教聖經。慈航法師則早於民國三十八年，徇星洲、檳嶼、雪市等處學佛同胞之請，已編佛教聖經一書。彌論佛教應有之常識，分三階級，由淺入深，次第釐秩；發凡攝要，示人周行；四眾初機，覽觀稱便。噫，識卑願弘，當可敬已！

慈航法師為太虛大師高弟，著述豐饒。初擬重印唯識因明十種講話，名曰菩提心影，而收佛教聖經弁列其前。不佞撰序，讀為十種講話心影外之又一幅序幕心影。願隨即建議云：『如是我聞』，佛說最尊；三藏結集，緣延奕禩；一字一句，法味無窮。於閱讀佛學論常識

外，似宜誦讀固有經籍，以躋登堂奧，飲取醍醐裨益堅定其信仰，而清淨其心性。故區區之意，竊望法師與南亭法師諸老，發起倡導，約集縉素長德，更亟從佛藏中選纂類似『佛教聖經』之書，備四眾共同受持誦讀。選纂既定，每篇各以淺顯文字，揭發要旨，識別段落，簡註事實專詞，並各加標點符號，使覽者一目瞭然。此外，復冀躬與其感者，以佛心為心，以佛智為智；了無執著，罔所拘墟；遴選抉擇，是其所是，重其所生，恭默深契於其間。庶幾一卷告成，信徒共守；於耶於回，不反居後。則佛學之發皇，佛教之紹隆，不難拭目而俟矣。法師勇猛精進，素肯為天下先，其亦有意於斯乎？

法師閱及，竟不棄芻蕘，謂：佛教聖經不擬展於唯識因明十講，而另出專書。遴選佛說遺教經、八大人覺經、四十二章經為佛教聖經；原作則改名佛學常識，附列厥後。又謂：書既分立，序自應析為二，屬更易稿。法師虛懷若谷之精神，良足欽服；而因明唯識之素養，積於中者發於外，亦可從而窺見其梗概矣！

夫佛教聖經，既選集佛說經典於前，又以佛學常識附益於後，本末源流，體用常變，兼顧並顧，奄有衆長。學人得此，定可歡喜無量。況法師日勤精進，心無罣礙，將來與諸大德尊耆，往復商榷，對於經典之選擇，常識之潤飾，或將更有進於是者，是特其登高一呼為天下先之初度巨響耳！佛說事理，重因與緣。不佞於法師此書，得妄參末議，因緣殊勝。爰述叙及此，即請以之為序，未論法師以為何如也？

兩稿於八月九日寄呈，旋得老人覆簡及著作目錄表四張，提示其著作之理想計劃，並屬作序言三篇，一序

法相十講，一序佛教聖經，一總序菩提心影。於前二者，擬具恍如輪廓畫之簡略序稿，昇作組織時之參攷。首端註數語：『不是照我這樣做，不過作參攷耳。』末又註云：『注意！居士發心，我心不忍，故此作為定稿，再不必更改。』備極叮嚀咐囑之至意。其原簡如次：

邦道居士：見到你作事的忠實誠懇，真是使我們出家人慚愧。假定全國人作事，都像你這樣認真，那中國真變成極樂世界！我做事總算不自欺，然而比不上你萬分之一，慚愧慚愧！你看了我另四張目錄表，大概可推測到我理想中計劃。

一、菩提心影——裏面已完成十二種，明年寫俱舍，後年寫楞嚴，外後年寫中觀，完成我四大部。（按老人第十二種成唯識講話，當時已寫成一半，故云將完成四大部。）

二、聖經和十講，不過是心影中之七、八。（按老人於二書，編列為心影第七、第八。）

三、理想中聖經，應當以『人間佛教』為對象，免得一般人說佛教是消極與迷信。

四、你如歡喜，應當有三篇序，才理得清楚。一、聖經、二、十講、單說聖經十講事。我擬了兩篇做作參考。

五、菩提心影的總序，才可說到我的事方面。不知尊意如何？我真不過意！

當時，農學院正在校園新生入學試卷，迫開學後，又為課務所纏，未暇握管。今年春，曾託蘇邨園居士轉達微意，乞稍假時日。私擬暑假期間，勉竭庸愚，以圖報命。不意愷悌慈祥、虛懷若谷之一代高僧慈氏老人，遽爾辭謝塵世，圓寂彌勒山中。『衆生福薄，佛教不幸』，誠為印順法師之所悼誄也！不佞淺學，復誤遷延；有負心期，曷勝憾慟！率輒二聯，聊志悼念之私云爾！

西竺南溟，管水宿雲遊，且向秦霄嶽峰尋舊迹；因明唯識，能深入顯出，留將菩提心影契群機！適值文殊師利誕辰，世壽雖甫登六旬，解脫諒欣然，自可從心生上界；漫檢彌勒內院遺簡，序言須分屬三稿，遷延滋憾已，何當勉力了斯緣！